

救急經驗良方

大哉天地之育萬物也如父母撫育幼稚之愛子但願植物長春以垂永久動物常存日見繁殖此天心也吾人類爲萬物之首若能體貼天地好生之心如自己之心廣積福蔭濟人之急而援人於難憫鰥寡而憐孤獨惜物命似已命天地必然默佑而賜與禎祥福祿錫其嗣續顯揚門庭後世昌盛必然不輟此卽善者之良果自身之顯榮卽係祖德宗功之遺跡子孫之優劣卽自身之形影凡聖神仙佛無不由道德禮教善積而成之遠者可稽近者按余之家世而論余之翁姑與父母每遇善舉雖鬻衣儉用而不稍惜勸鄉鄰親友必竭其力而行之及余屢獲佳報夫貴子繁兄弟俱顯均先人之遺積至余而享之飲水思源實不敢忘善舉二字余非以家世煊耀於吾人

之前略敘概況敬祈諸君子詳因果循環之至理毫釐不爽以廣行
陰隲普及善舉庶可報天地之恩而報於萬一耳

中華民國十五年四月

濟南孫張連芳敬序

△目錄▽

- | | | | |
|----|-------|----|------------|
| 二 | 救自縊 | 一 | 救急良方小引 |
| 四 | 救熱死 | 三 | 救溺水 |
| 六 | 救魔死 | 五 | 救凍死 |
| 八 | 救醉死 | 七 | 救驚死 |
| 十 | 救中暑 | 九 | 救絞腸痧 |
| 十二 | 救中惡死 | 十一 | 救瘟疫 |
| 十四 | 救湯火傷 | 十三 | 救刀鎗傷 |
| 十六 | 救吃砒霜毒 | 十五 | 救吞鴉片烟 |
| 十八 | 救各種咬傷 | 十七 | 救吞金 |
| | | 十九 | 附治婦女不育之症仙方 |

二十 附刻良方序

二三 治眼睛突出方

二四 治目睛破傷方

二六 治脣上疔毒

二八 救跌壓傷

三十 治猪牛羊瘟用

三二 治橫生倒產

三四 治男婦心痛

三六 催生方

三八 治百虫入耳

二一 小兒稀痘方九條

二三 治火眼方

二五 治解中煤煙毒

二七 治虎狼熊咬傷

二九 治咽喉十八種病症

三一 治瘋狗咬符咒

三三 治難產並子死腹中

三五 治產後血暈

三七 治睛垂至鼻

三九 治驢馬背破傷

救急良方小引

咸豐八年七月七日浙江桐廬縣士子李守愚周天佑趙士清等於文昌閣設壇祈
鸞時賊匪在龍游金華一帶衆人叩求免兵劫之法時

觀音大士降壇批云禍福無門惟人自召善惡之報如影隨形爾等不必問能免劫與否但自問能改過興否能遷善與否果能改過遷善雖在劫數中猶可蒙神佑脫免苦劫不能改過遷善目前雖如恐難免後來惡劫衆復虔跪求改過遷善之法

大士批云善哉善哉所謂過者卽有愧於心之事人雖極惡凡行一件昧心事雖口頭掩飾心中總有不安行一善事便覺理順心安奸

盜邪淫皆過也忠孝友悌卽善也條目雖多大要以不昧良心爲主
百行孝爲先萬惡淫爲首人能誠心行孝立志戒淫天必佑之雖有
他罪俱可消釋其次莫如救生昔人有救一萬生命能消盡終身罪
愆者此言救鳥獸蟲魚之命若救人之命其功百倍於救物陰隲文
所謂救人之難濟人之急憫人之孤容人之過今天下紛亂生民困
苦已極爾等能救一人卽有救一人之善報能救十人卽有救十人
之善報以及救千萬人則功德不可思議現有福建浦城縣生員陳
淦刻救急良方送人曾救過多命前月在漳樹鎮賊匪追趕時我化
一老婦人救他此人明日申正二刻坐一江山船來東門外上岸手
持釘鞵抱一疋藍布者是也爾等要他救急良方照樣印送自有好

處我去也亂筆遂不動次日共至東門等候見有持釘鞭抱藍布人上岸果陳淦問其六月十三日事伊說在漳樹鎮遇賊四五十人追來已將同伴捉去矣相離不過數步伊正焦急自料難逃忽來一老婦人牽他衣袖隨行五六十步老婦人放手曰大難已過可無事矣回頭視之老婦人不見賊匪亦不知何往知爲

神佑對天叩謝救命之恩衆人卽邀入城問救急良方伊懷中取出百餘張遂照樣刊刻印送後李守愚等三人皆同榜中式舉人太倉洲顧中立見李守愚等印送救急良方發願印送八千張次年在貢院場中夢神人示以字曰救人功大文思勃發一揮而成若有神助榜發果中王長清山東人見救急良方中治吞烟一方已救活

三人發心印送三千張求

賜麟兒於九年八月印送十年七月卽生一子

畢寅清雲南人在京見王長清印送救急良方喜其方皆經驗於
庚申三月印送三千五百張本年四月卽中進士卽用分發江西知
縣

郭煥湖南湘潭縣人年七十八歲求第三孫中舉許送四千本第二
子久病虐求愈許送三千本印發後子病不藥而愈孫卽中式近來
劫數太重故救急良方

大士以救生垂教而指陳淦作一榜樣使天下知能救人者卽能自
救此種麻得麻之至理也爰敘降亂之由來並億舉送方之效驗以

爲有志行善者勸

救自縊 凡救縊死切不可割斷繩索但緩緩解下抱放床上令仰臥將頭扶正並將手足慢慢曲灣若已僵須緩緩屈之大小使用絲軟之物裹塞一人坐於頭前兩足踏其肩揪住頭髮勿使頭垂下一人不住手撫摸胸前再用二人用筆管吹氣入兩耳內不可住口吹氣再用鷄冠血滴口鼻中片刻卽活母謂屍身已冷忽略不救甦後以肉桂湯

肉桂五分 陳皮八分 干姜五分 厚朴一錢 半夏八分 甘草三分

及粥飲之令潤咽喉此法予親見試驗

救過多人

又方用真山羊血研細以好酒灌下立活或用皂角細

辛等分爲末吹耳鼻孔中或生半夏末吹鼻中俱效但生半夏有毒

亦不可多吹

救溺水

凡水溺一宿者皆可救研皂角末以絛裹納下部內須臾水出卽活或屈死人兩足攔活人肩上以死人背貼生人背擔走吐出水卽活又方先打壁泥一堵置地上移死人仰臥其上更以細壁土覆之止露口眼水氣喻入泥間其人遂醒雖身僵氣絕用此法亦可救或用沙炒熱覆死人面上只留口眼鼻在外亦可又方將死人倒懸以好酒灌鼻中及下部或皂角末或半夏末吹鼻孔或以竹筒吹其兩耳但有微嚏卽可得生

救熱死

凡暑月熱倒切不可與冷水吃急扶在陰涼處以布巾或衣服蘸熱水攤放臍上及胸前氣海間再以熱水淋布上令暖到臍腹則漸甦也或取路上熱土蓋臍上作窩令衆人出熱小便於其中

以代熱水又用芝麻炒黑研細以新汲水調灌卽活或掘開路上土入水攪之取攔泥漿灌下卽活

救凍死 凡凍死但微有氣胸前微溫者皆可救救法用大鍋炒暖灰以袋盛住熨其心胸倘凍人微笑急掩其口鼻仍熨之俟目開以溫酒及清粥緩緩灌之卽活或用生姜帶皮同陳皮共一兩搗碎煎服卽活總不可燒火烤之若見火則冷氣興火爭必大笑而死矣須切記之

救魔死 凡魔死係夜間原有鐙不妨用鐙若無鐙切不可用鐙火照並不得近前急喚但重咬其足跟及足大拇趾連呼其名並唾其面再灌以姜湯必醒儻不卽醒略移動臥處徐徐喚之卽醒又用筆

管吹兩耳再用病人頭髮撚繩貫鼻孔內用鹽湯灌之或研葦菜汁滴鼻中或皂角末吹鼻孔得嚏則氣通而活矣三四日者尙可救凡睡臥無病猝死者皆是中魔

救驚死 以溫酒一二杯灌之自醒素患驚怯者須服鎮心丹硃砂龍齒研細末猪心血調合爲丸麥冬湯下

救醉死 凡醉極如死者先解散其髮新汲水浸之熱豆腐切片中貼心胸間或黑豆煮汁灌之或白芥子爲末并花水調服立醒

救絞腸痧 生白礬研冷水開水各半杯調服兼治各種痧

救中暑 大蒜汁路上土新沒水調或扁豆葉搗汁服之卽愈

救瘟疫 麥冬烏梅藿麥根紅棗燈心竹葉煎服此方最效

救中惡死 凡中暑中瘟中惡忽然昏倒不省人事者用茱黃心於男左女右鼻中插入數寸令目開血出卽活視上脣口內有如粟米粒者以鍼挑破用皂角末或半夏末吹鼻中或好醋滴鼻中須按其兩手勿令驚須臾卽活又厥症忽然昏沈口不能言眼閉手散喉中痰響用啓迷丹急救之人參三錢半夏三錢兔絲子五錢茯神菖蒲皂莢各一錢甘草三分加生姜煎湯灌之卽活

救刀槍傷 凡刀傷十分沈重但微有氣心頭尙溫者皆可救用乳香沒藥各三錢研爛以童便半杯好酒半杯同煎溫服後用花蕊石散摻之羌活紫蘇葉乳香沒藥厚朴白芷降香當歸南星輕粉檀香龍骨各三錢麝香三分蛇含石三錢童便煨三次花蕊石五錢童便

煨七次研細末葱湯洗淨用此摻之絲輒紙蓋札一日一換神效無比 又方用人參三七各八分血竭乳香川白蠟沒藥象皮各一錢二分輕粉千年石灰各一分八釐血出多者用六分降香一錢冰片一分研極細敷傷處止血止痛生肌長肉 又方於重陽日或於十一月採野菊花連枝葉陰乾每月菊花一兩童便無灰酒各一碗同煎熱服 又方用龍眼核刮外面光皮祇用其仁研極細填敷傷口神效 凡跌打損傷依上所列數方救皆效驗若神大凡刀槍跌打之傷多因二人爭鬪所致能救一人不死更免一人償命是明救一命實暗救二命也功德莫大焉若遇二人相爭能用好言勸解不致爭鬪更是陰功自然逢凶化吉遇難成祥

救湯火傷

凡被湯火切勿以冷水及尿泥諸冷物敷之遇冷物則火毒攻心反速之死矣宜急以鹽摻之然後用藥敷爲妙方用蚌壳燒灰存性研末入冰麝少許從四面掃入其中此最驗之方或用杭粉柏子仁取油調塗或舊葫蘆瓢燒灰塗或用生芝麻嚼細敷之或用夜明砂黃丹水粉熟雞蛋黃炒出油調塗

救吞鴉片烟

急取活鵝鴨殺取熱血灌向口中吐出烟卽解或鴉

蛋子數粒研細淘米水調灌或擦棹布煎湯灌之或糞清灌之皆效以上數方兼治吞鹽鹵及各種毒藥

救吃砒霜毒

用雞蛋一二十個調勻入明礬末三錢灌之使吐卽解再用黑鉛磨汁飲之卽愈或甘草汁藍汁黑豆汁灌之亦愈

救吞金

鹽駱駝驢馬脂餘甘子能柔金羊脂稷子能柔銀吞金銀

入腹中服食前品柔則易出又真輕粉研細水調下能令金從大便
出又誤吞銅錢多食葶薺卽消化或鍊過熟蜜糖亦可又吞鍼及一
切鐵器用鐵脚威靈仙紅糖和酒煎服鐵輒如繇

救各種咬傷

瘋狗咬傷白菓肉嚼細塗之白礬末敷或銀否末塗

虎咬傷麝白搗汁飲之渣塗之虎爪傷地蠶末塗蛇咬傷先飲好醋
燒酒淋洗雄黃末敷人咬傷溱雞屎塗鰲甲燒灰敷蜂螫傷麻油搽
好酒洗又凡一切咬傷用人糞塗之俱神效無比

附刊神效仙方

此方專治婦女不育之症趕前挫後血寒血虛血

熱血凝胸中氣滯年久不能生育將此藥於經未來之前三日每日